



МЕСЯЦА СЕНТЯБРЯ В 17-й ДЕНЬ

Святѣя мученицы Софїи и трех ея
дщереи: Вѣры, Надѣжды и Любвѣ

ВѢЧЕР

На Господи, воззвах: **стихиры праздника, 3, глас 1.**

Подобен: Небесных чинов:

Крест возносится, и дѣмони прогоняются, / раз-
бойник Едема убо врата отверзает, / смерть
умерщвляется и ныне пуста явися, / Христос ве-
личается. / Тем веселитесь, вси земнороднии, //
клятва разрушися.

Приидите, боголюбивии вси, / Крест честный возно-
симый видяще, / возвеличим купно и славу дадим /
Единому Избавителю и Богу, взывающе: / Распныйся
на Древе крестнем, // не презри молящихся нас.

Горесть древле ослаждая, Моисей / избави Израиля, /
образом Крест прописуя; / мы же, сего вси божественно,
вернии, / таинственно воображающе в сердцах наших
всегда, // спасаемся державою его.

Ины стихиры мучениц, глас 4.

Подобен: Дал еси знамение:

Дѣвы отроковицы, / естества законом связуемы /
и яве укрепляемы любовью Создателя, / узу прелести
разрушиша верою, / и некрепкаго врага, / вмужив-
шися, ногами сотроща, / и победы венцем / световидно
украшишася, // и в невестник вселишася умный, раду-
ющийся.

Вѣра всехвальная, / и Любовь славная, / и Надѣжда
богомудрая, / добродетелей тезоименитыя / светлейших
показавшися, / страдальчески лукаваго низложивша, /

прамáтерь коварно прельстíвшáго, / рая селéния,
обожившеся, прияша, // о всех молящеся.

О огнi нерадiша, / и о многообразных мýках, / и о смёрти, всечестнiя: / Женихá бо добрóту / краснéйшаго вéрою ищуще, / разлiчными ранами украсiвшеся, / Тому́ счeтáшася Софiины óтрасли, / Вéра, Надéжда и Любовь же: // ихже ради, Гóсподи, от лóурых свободi ны.

Слáва, и ныне, прáздника, глас 1. Самогласен:

Насажденное в краниеве мéсте Дрéво сýщаго животá, / на нёмже содела спасéние Превéчный Царь посреде земли, / возносiмо днесь, освящáет мiра концы, / и обновлáется Воскресéния дом. / Рáдуются Ангели на Небесi, / и веселáются человекы на земли, / Давидски вопиóюще и глаголюще: / возносiте Гóспода Бóга нáшего / и поклоняйтеся поднóжию нóг Егó, / я́ко свято есть, // подай мiру вéлию мiлость.

На стихóвне стихiры, глас 2.

Подóбен: Дóме Евфрафов:

Водóю боготворною / и Крóвию Твоёю, Слóве, / свéтло Цёрковь украшáется, / я́ко невеста, // Крестá слáву поiще.

Стих: Возносiте Гóспода Бóга нáшего // и поклоняйтеся поднóжию нóгу Егó, я́ко свято есть.

Копиé со Крестóм, / гвóзди и инáя, / и́миже живонóсное / Христóво пригвоздiся Тéло, // возносáще, поклонiмся.

Стих: Бог же, Царь наш прéжде вéка, // содела спасéние посреде земли.

Егдá Амалiка / Моисéй побеждáше, / на высотú рúце имéя / крестоявлéнно, // образовáше Христóву Стрaсть пречiстую.

Слáва, и ныне, глас 1:

Прообразуя Крест Твой, Христé, / патриáрх Иáков, внúком благословéние дáруя, / на главáх пременéны рúки сотвори. / Егóже, Спáсе, мы днесь возносáще, взывáем: / дáруй христолóбивому вóинству побéды, // я́ко Константiну одолéние.

Тропáрь прáздника: Спасi, Гóсподи, лóди Твоя:

НА УТРЕНИ

По 1-м стихословии седáлен, глас 2.

Подобен: Благоутроби́я сѹщи:

Распѣншуся Тебѣ, Влады́ко Христѣ, / смѣрти держа́ва и кре́пость разруши́ся, / и мучи́тельство попра́но бысть все вра́жие, / и оживле́ни бы́хом, дре́вле умершии дре́вом преступле́ния, Дре́вом крѣстным. / Тем поѣм Стра́сти Твоя́.

Сла́ва, и ны́не, то́йже.

По 2-м стихословии седáлен, глас 4.

Подобен: С ко́ро предва́ри:

В тебѣ, треблаже́нне и жизнода́вче Крѣсте, / лю́дие учрежда́ющесея, спра́зднуют с невещѣственными ли́ки, / чѣни архиере́йстии благоговѣ́йно воспева́ют, / мно́жества же мона́шествующих и по́стников покланя́ются, / Христа́ же распѣншагося вси прославля́ем.

Сла́ва, и ны́не, то́йже.

Кано́н пра́здника со ирмосо́м на 8 и святых на 4.

Кано́н пра́здника, глас 8.

Песнь 1

Ирмо́с: *Крест начертáв, Моисѣ́й / впря́мо жезло́м Чермно́е пресече́, / Изра́илю пешеходя́щу, / то́же обрат́но фарао́новым колесни́цам, / уда́рив, совокупѣ́, / вопреки́ написáв непобеди́мое ору́жие. // Тем Христу́ поѣм, Бо́гу нашему́, я́ко просла́вился.*

Образ дре́вле Моисѣ́й пречы́стия Стра́сти в себѣ само́м прообрази́, / священных средѣ стоя́: / Крест же вообрази́в, / простѣртыми побѣду длáньми воздвѣ́же, / держа́ву погубѣ́в Амалѣ́ика всегуби́теля. / Тем Христу́ поѣм, Бо́гу нашему́, я́ко просла́вился.

Возложи́ Моисѣ́й на столпе́ врачевствó, / тлетвори́ваго избавле́ние и ядови́таго угрызе́ния, / и дре́ву образо́м Креста́ / по земли́ пресмы́кающагося зми́я привяза́, / лука́вный в сем обли́чив вред. / Тем Христу́ поѣм, Бо́гу нашему́, я́ко просла́вился.

Показа́ небо́ Креста́ побѣду́ благоче́стия держа́телю и царю́ богомудру́, / враго́в в нёмже злосѣ́рдных низложи́ся свирѣ́пство, / леть же преврати́ся, / и ве́ра

распрострѣся земным концѣм Божѣственная./ Тем Христу поим, Богу нашему, яко прославися.

Ин канон мучениц, егѣже краегранѣсие: Софїина зелоявлѣнная и свѣтлая чада пою. Феофаново. Глас 1.

Песнь 1

Ирмос: Твоя победительная десница/ боголѣпно в крѣпости прославися./ Та бо, Безсмертне,/ яко всемогущая, противныя сотре, // израильтяном путь глубини новосодѣлавшая.

Премірныя Твоея, Христѣ,/ и несказанныя премудрости осияние даруй мне, Владыко,/ благолѣпныя и благославныя Твоея мученицы,/ яко да воспю Софїина прозябѣния.

Нарицание твоѣ яве житѣльством, богомудрая, украсися:/ всю бо проводила еси жизнь твою премудрости желанием, славная Софїе,/ мудрости осиявшися благодатию.

Твой всеблаженный плод,/ Пребожественныя Троицы количеством украшаемь,/ страдальчески за Оную подвижася, всемудрая Софїе,/ Премудрости Божественныя тезоименитая.

Тѣло и дѣшу добродѣтельми очистивше,/ дѣвы отроковицы три Тебѣ приведошася мученически,/ умному Жениху Христу,/ Вѣра с Надѣждею и Любѣвь славная.

Богородичен: Весь зрак мой приим, Иже во зраце Божии прежде зримь,/ всего обновѣ, в Твоем чреве боголѣпно вселився, Пречистая./ Тѣмже Богородицу, вѣрнии, Тя вси славим.

Песнь 3

Ирмос: Жезл во образ тайны приѣмлется,/ прозябѣнием бо предразсуждает священника,/ неплодящей же прежде Церкви,/ ныне процветѣ Древо Креста, // в державу и утверждение.

Яко испустѣ, ударяемь, воду краесекомый/ непокоривым людем и жестосердым,/ богозванныя проявляше Церкви таинство,/ еяже Крест держава и утверждение.

Рѣбром пречистым, копием прободенным,/ вода с Крѣвїю истечѣ,/ обновляющая Завет и омывательная грѣха:/ вѣрных бо Крест похвала и царей держава и утверждение.

Ин

Ирмос: *Едине Ведыи человеческого существа немощь/ и милостивно в не воображся,/ препояши мя с высоты силою,/ еже вопити Тебе, Святыи:// одушевленный Храме неизреченныя славы Твоея, Человеколюбче.*

Гла́са послушавше Христо́ва,/ зову́ща к безсме́ртней и безстра́стней жи́зни,/ послéдоваша венце́носицы дэвы и му́ченицы,/ е́же вопити Тебе́, Святы́й:/ Хра́ме одушевле́нный пречи́стыя сла́вы Твоея́, Человеколю́бче.

Кре́пость дарова́ Христо́с/ стоя́щим пред суди́щем му́ченически вам, я́ко обеща́ся,/ и богодохнове́нныя му́дрости испо́лни,/ и све́тлы показа́ победоно́сныя му́ченицы,/ дэвства сия́юща благода́тию.

Притупи́сте ум вра́жий, дэвы, великохва́льный/ и то́го горды́ню низложи́сте,/ великому́дренно подвигше́ся,/ и прэ́жде хва́лящагося истреби́ти мо́ре/ течены́ми кровей́ потопи́сте.

Му́дрости вы́шния Христо́вы богáтно насб́итивше́ся,/ избра́нныя му́дрости и благоу́мныя,/ дщери́ три посрами́ша му́чащих свирепства́ и неистовство́ недэ́ржное,/ витийству́юще Божэ́ственная учéния.

Богородичен: *Святы́х Свята́го Христа́ свя́то породила́ еси́,/ Святы́ни свято́е селéние,/ во святы́х почива́ющаго,/ Ему́же вопи́ем: свят храм одушевле́нный/ неизрече́нныя сла́вы Твоея́, Человеколю́бче.*

Конда́к святы́х, глас 1.

Подобен: Гроб Твой, Спасе:

Софи́и честны́я священнейши́я ветви́/ Ве́ра и Наде́жда и Любо́вь показáвшеся,/ му́дрость обуи́ша е́ллинскую благода́тию,/ и пострада́вше, и победоно́сицы яви́вшеся,/ венце́м нетле́нным от всех Влады́ки Христа́ увязо́шася.

Седáлен, глас 1.

Подобен: Лик ангельский:

А́гницы словéсныя А́гница и Па́стыря,/ огню́ и лю́тым му́кам прэдани бы́сте/ и яви́стеся Ангелом равночэ́стни./ Тем вси священну́ю ва́шу па́мять прáзднуем в весе́лии сэрдца, дэвы богому́дрыя.

Слава, и ныне, праздника, подобен тойже.

Оружие Креста во бранех показася некогда благо-
честивому царю Константину/ непобедимая победа
на враги, веры ради;/ сего трепещут противныя силы,/
сие бысть и верных спасение, и Павлова хвала.

Песнь 4

Ирмос: Услышах, Господи,/ смотрения Твоего таин-
ство,/ разумех дела Твоя// и прославих Твое Божество.

Горькородныя преложи древом Моисей/ источники
в пустыни древе,/ Крестом ко благочестию языков/
проявляя преложение.

Глубине внедривый секущую/ издаде Иордан древу,/
Крестом и крещением/ сечение лести знаменуя.

Священно ополчаются/ четверочастнии людие,
предходяще/ образом свидетельства скинии,/ кресто-
образными чинми прославляемии.

Чудно простираемь,/ солнечныя лучи испущаше
Крест,/ и поведаша небеса/ славу Бога нашего.

Ин

Ирмос: Гору Тя, благодатию Божию приосененную,
прозорливыма Аввакум усмотрив очима,/ из Тебе изы-
ти Израилеву провозглашаше Святому,// во спасение
наше и обновление.

Укрепльшися Божественною благодатию, добро-
победныя,/ Вера, Любовь и Надежда/ мучителей пре-
щения мужественно посрамиша,/ огнем всесожегаемы,
всемудрыя,/ и Жениху Христу приводимы.

Возмогаша, Креста всеоружием оградившися,/ Вера,
Любовь и Надежда/ мучений благомощно раны
стерпети, святыя,/ даже до крове крепчайше ко
греду противльшися.

Свещи тричисленныя мудрости сияющия,/ Вера,
Любовь и Надежда,/ Троицы просвещеньми яве бли-
стающияся,/ пресветло Церкви просвещают,/ ко спа-
сению нашему и защищению.

Богородичен: Святых Святая Богородице Всепетая,/
ожидание языков и спасение верных,/ из Тебе возсия
Избавитель и Жизнодавец и Господь,/ во спасение
нас, поющих Тя.

Песнь 5

Ирмос: *О* **треблаженное Древо,** / на немже распяся Христос, Царь и Господь, / имже паде древом прельстивый, / тобою прельстився, / Богу пригвоздившуся Плотию, // подающему мир душам нашим.

Тебе, приснопетое Древо, на немже простресе Христос, / Едем хранящее обращающееся оружие, Кресте, устыдися: / страшный же Херувим уступил на тебе пригвожденному Христу, / подающему мир душам нашим.

Подземных силы противныя Креста страшатся / начертана знамения на воздухе, / по немуже ходят Небесных и земнородных роды, / колена преклоняюще Христу, / подающему мир душам нашим.

Зарями нетленными явлься Божественный Крест / омраченным языком, заблужденным в прелести, / Божественный свет облистав, / усвоет на нем пригвожденному Христу, / подающему мир душам нашим.

Ин

Ирмос: *Просветивый сиянием пришествия Твоего, Христэ,* / и осветивый Крестом Твоим мира концы, / сердца просвети светом Твоего богоразумия // православно поющих Тя.

Терпением мудрований муки подъямляху, / и мудрости, сущия в Бозе, глаголюще тайны, / держащаго посрамилша три девы богоносныя, / верою и естеством связуемы.

Радуется прамати, видящи побеждаема льстиваго, / из Едема древле изгнавшаго сию, / женами богомудрыми, / Надеждою, Верою и Любвию, Софии рожденьми.

Ядовитаго мучителя ласкания избегша / и мучений язвы вольне претерпеша честныя отроковицы, / Твоею любовию уязвлшися, Христэ, / и Божественным Твоим рачением.

Богородичен: **Веселятся** Небесныя Силы, видяще Тя, / радуются с ними человеков состояния: / Рождеством бо соединишася Твоим, Дево Богородице, / Егоже достойно славим.

Песнь 6

Ирмос: *Воднаго зверя во утробе / длани Иона крестовидно распростер,* / спасительную Страсть проображаше

яве./ Тем, триднёвен изшэд,/ премірное Воскресение прописаше/ Плотию пригвожденнаго Христа Бóга// и триднёвным Воскресением мир просвещшаго.

Старостию преклонився и недугом отягчен, исправися Иаков, рuce переменив,/ действие являя жизнoснаго Крестá:/ и́бо ветхость законнаго сенoвнаго писания новописá на сем Плотию пригвоздивыйся Бог/ и душегубительный недуг лести отгна.

На юныя возложив длани божественный Израиль, крестовидно главы являше,/ яко старейшая слава, законослужители людие./ Тёмже, подмнёвся тако испрельститися, не измени жизнoснаго образа:/ превзйдут бо людие Христовы Бóгии новоутвержденнии,/ вопияху, Крестом ограждаеми.

Ин

Ирмос: *Обыде нас последняя бездна,/ несть избавляяй,/ вменихомся яко овцы заколения,/ спаси люди Твоя, Бóже наш:// Ты бо крепость немощствующих и исправление.*

Радующеся, во Твой, Владыко, пречистыя длани/ возложыша надежды отроковицы три,/ Троицы количеством и числом почтенныя/ и похваляемяя.

Светящесея девства добротами,/ мученическими узвзеньми украсышася,/ и венец сугуб свыше достойне приыша/ от Христа, Жизнодавца и Всещедраго.

Приведошася, Владыко, в храм Твой, всех царствующаго,/ девственная сокровища честная/ приобщитися Царствию Твоему:/ Ты бо тех и свет еси, и веселие.

Богородичен: Радуются о Тебе, Дeво Пречистая,/ рoда нашего праотцы,/ Едем восприемше Тобою,/ егоже преступлением погубыша:/ Ты бо Чиста и прежде Рождества, и по Рождестве еси.

Кондак праздника, глас 4. Самоподобен:

Вознесыйся на Крест волею,/ тезоименитому Твоему новому жителству/ щедроты Твоя даруй, Христe Бóже,/ возвесели нас силою Твоею,/ победы дай нам на сопостаты,/ пособие имущим Твое орудие мира,// непобедимую победу.

Ўкос:

Иже до трэтыяго Небесэ восхищён бысть в рай/ и глаголы слышав неизречённые и Божественныя,/ ихже не леть языки (человеческими) глаголати,/ что Галатом пишет, яко рачителие Писаний прочтёте и познаёте:/ мне, глаголет, хвалитися да не будет, токмо во едином Кресте Господни,/ на нёмже, страдав, уби страсти./ Того убо и мы известно держим, Крест Господень, хвалу вси:/ есть бо нам спасительное сие Древо/ оружие мира, непобедимая победа.

Песнь 7

Ирмос: *Безумное веление/ мучителя злочестиваго люди поколеба,/ дышущее прещение и злохуление богомерзкое;/ обаче три отроки не устраши ярость зверская,/ ни огонь снаяя,/ но, противодышущу росоносному Духу,/ со огнём суще, пояху:// препетый отцев и нас Боже, благословен еси.*

От древа вкусив, первый в человецех в тление вселися:/ отвержением бо жизни безчестнейшим осудився,/ всему роду телотленен некий яко вред недуга преподаде;/ но, обретше, земнороднии, воззвание крестным Древом, зовем:/ препетый отцев и нас Боже, благословен еси.

Разруши повеление Божие преслушание,/ и древо принесё смерть человеком,/ еже неблагоприятно причастно бывшее;/ во утверждение же zelo честнаго/ оттуду жизни древо возбраняемо бе,/ еже разбойнику злоумершу отверзе, благо разумно зовущу:/ препетый отцев и нас Боже, благословен еси.

Жезла объёмлет край Иосифова,/ будущая зря, Израиль,/ Царствия державное,/ яко возымуществит преславный Крест, проявляя:/ сей бо царей победоносная похвала и свет верою зовущим:/ препетый отцев и нас Боже, благословен еси.

Ин

Ирмос: *Тебе умную, Богородице, пещь/ рассмотрим, вернии,/ якоже бо отроки спасё три Превозносимый,/ мир обновй во чреве Твоём всецел// хвальный отцев Бог и препрославлен.*

Трисия́нною еди́нства благода́тию озаря́еми я́ве,
де́вы/ де́монское разруши́ша тьмонеи́ствоство,/ Свет
Триипоста́сный богосло́вюще и пою́ще:/ хва́льный
отце́в Бог и препросла́влен.

На Небесе́х черто́ги иму́ще, священосны́я ду́ши,/ со
А́нгелы ве́село ны́не ликовству́ете,/ сла́ву присно-
су́щную зря́ще и глаго́люще:/ хва́льный отце́в Бог и
препросла́влен.

Терпели́во, я́ко о́троцы, противле́ние показавше,/ огонь
попра́ша му́жественно:/ тех бо равночи́сленныя/ ра́-
зум равноста́тный богоносны́я стяжа́ша,/ хва́льнаго
отце́в прісно Бо́га и препросла́вленнаго.

Богоро́дичен: Дае́ши, Чи́стая, оставле́ние прегреше́-
ний воспева́ющим Тя ве́рно,/ избавля́ющи напа́стей и
всякаго обстоя́ния:/ Тя бо ны́не стяжа́хом прибѣжи́ще,
Богоневѣ́стная,/ я́ко хва́льнаго отце́в Бо́га рука́ми
носи́вшая.

Песнь 8

Ирмо́с: *Благослови́те, о́троцы,/ Трѳи́цы равночи́слен-
нии,/ Содѣтеля Отца́ Бо́га,/ пойте снизше́дшее Сло́во,/ и
огнь в ро́су претво́ршее,/ и превозно́сите всем жизнь
подава́ющаго// Ду́ха Всесвята́го во ве́ки.*

Воздвиза́ему Дре́ву,/ окроплѣну Кро́вию вопло́ща-
гося Сло́ва Бо́га,/ пойте, Небесны́я Си́лы;/ земны́х воз-
зва́ние пра́зднующе, лю́дие,/ поклоні́тесь Хри́стову
Кресту́,/ ѳмже ми́ру воста́ние во ве́ки.

Земноро́днии, длáньми, строите́лие благода́ти,/ Крест,
на нёмже сто́яше Хри́то́с Бог, возно́сите священно-
ле́пно/ и копи́е, Бо́жия Сло́ва Те́ло пробод́шее,/ да ви́дят
язы́цы вси спасѣ́ние Бо́жие,/ сла́вюще Егó во ве́ки.

Божѣ́ственным судомъ предызбра́ннии, веселі́тесь,
хри́стиáнстии ве́рнии ца́рие,/ хвалі́тесь победоно́сным
ору́жием,/ приѣмше от Бо́га Крест честны́й:/ в сем бо
колѣ́на бра́ней, дерзости ѳщу́ще,/ разсыпа́ются во ве́ки.

Ин

Ирмо́с: *В пе́щи о́троцы Изра́илевы,/ я́коже в гор-
ни́ле,/ добро́тою благоче́стия чистѣе зláта блещáхуся,
глаго́люще:/ благослови́те, вся дела́ Господ́ня, Гб́спода,//
пойте и превозно́сите во вся ве́ки.*

Дѣвы богосвѣ́тлыя, Ве́ра, Наде́жда, Любо́вь,/ добро́-
тою благоче́стия чистѣе зláта блещáхуся, глаго́люще:/

благословіте, вся дела́ Господня, Гóспода,/ пойте и перевозносите во вся вѣки.

Сияющія и световидныя мучѣнием проявленно бѣвшія дѣвы,/ вѣрнии, воспойм, глаголюще:/ благословіте, вся дела́ Господня, Гóспода,/ пойте и перевозносите во вся вѣки.

Врачевств струю обильно, довольно и богато/ раки стратотѣрниц источают присно, вѣрою зовущим:/ благословіте, вся дела́ Господня, Гóспода,/ пойте и перевозносите во вся вѣки.

Богородичен: Земля святая была еси, Чистая, жизненный Клас рождающая,/ присносущныя жизни Ходатая, Христа,/ Ему же вси зовем:/ благословіте, вся дела́ Господня, Гóспода,/ пойте и перевозносите во вся вѣки.

Песнь 9

Ирмос: Таин еси, Богородице, рай,/ невозделанно возрастивший Христа,/ Им же крестное живоносное на земли насадися Древо;/ тем, ныне возносиму, // поклоняющеся Ему, Тя величаем.

Да возрадуются дрова дубравная вся, освятившуся естеству их,/ от Него же изначала насадишася,/ Христу распостершуся на Древе;/ тем, ныне возносиму,/ поклоняющеся Ему, Тя величаем.

Священный востя рог/ и глава всем богомудрым, Крест,/ им же грешных мысленно стираются рози вси;/ тем, ныне возносиму,/ поклоняющеся ему, Тя величаем.

Ин

Ирмос: Образ чистаго Рождества Твоего/ огнепальная купина показа неопальная,/ и ныне на нас напастей свирепеющую угасити молимся пещь,/ да Тя, Богородице, // непрестанно величаем.

Светом Трисиянным исполняеми и сияния Божественнаго ныне насыщающеся,/ купноименныя добродетелей/ и тождеименныя любви, надежды и веры,/ надеждею и любовью ны и вѣрою утвердите.

Да вышняя Крепость ныне укротит обдержавшую бурю ереси,/ о стратотѣрницы непобедимыя,/ и подаст верным единоумие,/ просите, молим непрестанно, добродѣвы.

Ночь жития, всемудрая, прешедше, день постигоште невечерний,/ мученически веселящеся/ и девственно

хвалящися благодатию,/ и Божественнаго Царствия
нетленнаго сподобляемы.

Богородичен: О, како Дева роди присносущее Слово
и Ипостасное,/ Сияние Отчия Ипостаси,/ нашего
Благодетеля и Господа, из Нея воплощшася,/ Егоже
достойно величаем.

Светилен:

Крест хранитель всея вселенныя,/ **Крест** красота
Церкве,/ **Крест** царей держава,/ **Крест** верных утверж-
дение,/ **Крест** Ангелов слава и демонов язва.

Слава, и ныне, тойже.

На стиховне стихиры, глас 6.

Подобен: Триневен:

Идеже стояша ноги Христовы,/ месту поклоняемся,/
возвышающе треблаженный Крест,/ на немже источи-
ся/ Кровь Владычня, // источившаго миру Воскресение.

Стих: Возносите Господа Бога нашего // и поклоняйт-
есь подножию ногу Его, яко свято есть.

Умертвивше страсти плоти/ и духа, богомудрии,/ по-
тщимся возвыситься от земных/ в Небесный покой,/
Крестом воздвижением, // сраспеншеся Владыце Христу.

Стих: Бог же, Царь наш прежде века, // содела спасе-
ние посреде земли.

Животекущий из Божественных ребр/ источник яве
искипе Спасовых,/ напаяющь души/ верою поклоня-
ющихся/ Божественным Его Страстем, // и Кресту, и
Воскресению.

Слава, и ныне, глас 2:

Приидите, вси языцы,/ благословенному Древу
поклонимся,/ имже бысть вечная правда:/ праотца бо
Адама прельстивый древом/ Крестом прельщается/
и падает, низвержен, падением странным,/ мучитель-
ством одержавый царское здание;/ Кровию Божию
яд змиев отмывается,/ и клятва разрушися осуждения
праведнаго,/ неправедным судом Праведнику осуж-
дену бывшу;/ Древом бо подобаше древо исцелити/
и Страстию Безстрастнаго, яже на Древе,/ разрешити
страсти осужденнаго./ Но слава, Христе Царю,/ еже
о нас Твоему мудрому смотрению,/ имже спасл еси
всех, // яко Благ и Человеколюбец.

НА ЛИТУРГИИ

Блаженны праздника, песнь 4-я, на 6.

Молитва

О святѣя и достохвѣльныя мученицы Вѣро, Надѣждо и Любы и доблестных дщѣрей мудрая мѣти Софїе! К вам ныне со усѣрдною молитвою притекаѣм. Что бо паче возмѣжет предстѣтельствовати за ны пред Господем, аще не вѣра, надѣжда и любѣ, три сїя добродѣтели пребывающїя, во ѣхже образ наречѣнныя, самаю вещью ѡныя явїсте? Умолїте убо Господа, да в скорбех и напѣстех неизречѣнною благодѣтию Своєю покрѣет ны, и сохранїт, и Того славу, яко солнце незаходїмое, зрѣти да сподѣбит. Споспешествуйте нам во смиренных молѣнїих наших, да простїт Господь Бог грехї и беззакѡнїя наша, и да помїлует нас, грѣшных, и щедрѡт Своїх да сподѣбит нас Христѡс Бог, Емуже славу возсылаѣм, со Безначальным Егѡ Отцѣм, и Пресвятѣм и Благїм и Животворящим Егѡ Духом, ныне и прїсно, и во вѣки веков. **А**мїнь.

Святые мученицы Вера, Надежда, Любовь и мать их София († ок. 137) пострадали в Риме при императоре Адриане. Святая София, твердая христианка, сумела воспитать своих дочерей в горячей любви к Господу Иисусу Христу. Слух о благонравии, уме и красоте девиц дошел до императора Адриана, который пожелал их увидеть, узнав, что они христианки.

Святые девы, понимая, с какой целью их призывает император, обратились с горячей молитвой к Господу, прося Его об укреплении их духовных и телесных сил в страданиях. Их самоотверженная мать радостно благословила их на мученический подвиг, убеждая дочерей не бояться кратковременных мук и твердо стоять за веру в Христа Спасителя.

Когда святые предстали перед императором, все были изумлены спокойствием их духа. Казалось, они пришли на пир, а не на мучения и смерть. Адриан призывал по очереди всех трех сестер и ласково убеждал их принести жертву богине Артемиде, но получил от всех твердый отказ и согласие претерпеть все муки за Господа Иисуса Христа. Император

приказал жестоко истязать сначала старшую — Веру, затем — Надежду и младшую — Любовь, стремясь устрашить юных христианок лютостью мучений старших сестер. Но Господь Своей невидимой силой сохранял их непоколебимыми. Мать их, святая София, видя истязание дочерей, проявляла необыкновенное мужество и находила в себе силы убеждать их терпеть страдания, ожидая награды от Небесного Жениха. И святые девы радостно приняли свой мученический венец.

Святой Софии разрешили взять тела дочерей, чтобы предать их земле. Она положила их в ковчег, с почестями отвезла на колеснице за город, похоронила, три дня сидела у могил и, наконец, предала свою истрадавшуюся душу Господу. Верующие погребли ее рядом с могилами ее дочерей. За великие муки матери, пережившей страдания и смерть своих дочерей, без колебаний предав их в волю Божию, святая София удостоилась быть прославляемой как великомученица. Мощи святых Веры, Надежды, Любви и Софии покоятся в Эльзасе, в церкви Эшо.